

Powšitkowne WOZJEWJENJA

njedźelu, 24. apryla 2016

Beneficny koncert we Łazku

Před kulisu Łazkowskeho lěsa zarjaduje Towarstwo swjateje Filomeny njedźelu, 24. apryla, wot 14.30 hodź. beneficny koncert. Program wuhotuja kapala Horjany, hudźbnik Měrćin Weclich, folklorna skupina Sprjewjan, Smjerdžečanska rejwanska skupina, Lajska dźiwadłowa skupina Šunow-Konjegy kaž tež awtoraj Monika Kochowa a Beno Budar. Wunošk wužije so za džělo we wjacorych socialnych zarjadnišćach w bolharskim Razgradže.

TCM wuhotuje mejski nyšpor

Na mejski nyšpor do Róžanta přeprašuje Towarstwo Cyrila a Metoda z.t. Tutón budže njedźelu, 8. meje, w 17. hodź. .

Zhromadny dzeń za 3. a 4. lětnik

Pod hesłom „Hdyž Swjaty Duch mje napjelni“ přeprašuje dekanatne dušepastyrstwo džěci 3. a 4. lětnika sobotu, 14. meje, wot 9 do 15 hodź. do Don Boskoweho domu we Worklecach. Zajimcy njech so prošu hač do wutory, 10. meje, pod telefonowym čisłom (03 57 96) 8 87 07 we Worklecach přizjewja. Za wudawki dnja zběra so wot kóžděho wobdźělnika přinošk we wysokosći štyrjoch eurow.

Putnikowanje staršich a chorych ludźi do Róžanta

Putnikowanje staršich a chorych ludźi ze serbskich wosadow do Róžanta budže sobotu, 7. meje. Wot 13 hodź. budže přiležnosć k swjatej spowědži. Modlenje swjateho rózowca započnje so w 13.30 hodź. Rózowcej přizamknje so w 14 hodź. Boža mša, kotruž změje farar Gabriš Nawka. Na njej wudžěli so tym, kotřiž sej to přeja, žalbowanje chorych. Po kemšach poskići so swačina.

Kolesujo putnikować

K putniskemu tydženjej na kole přeprašuje Smochčanski Dom biskopa Bena wot 7. do 14. awgusta. Hornja Łužica ma mnohe rozdźělne kolesowarske puće, kotrež chcedza w tych dnjach nazhonić. Po puću su putnicy k rozmołwam, rozpominanju, čitanju a dalšemu přeprašení. Čary powjedu po holi a hatach, po serbskich wsach, hornjołužiskich horach, podłu Łobja a Nysy. Etapy su wob dzeń něhdže 40 do 50 kilometrow dołhe. Zajimcy měli so w Smochćicach pod telefonowym čisłom (03 59 35) 2 23 15 přizjewić.

Pišćełe a gregorianika

Přichodny koncert w rjedže Duchowna hudźba wotměje so njedźelu, 1. meje, we 18 hodź., w Budyskej tachantskej cyrkwi swjateho Pětra. Zaklinča drohoćinki francoskeje pišćeloweje hudźby, mjez druhim misa François Couperina a wobdźělany hymnus „Ave maris stella“ Nicolasa de Grignya. Na pišćelach zahraje młody Budyski organist Feliks Brojer. K tomu zaspěwa šola Budyskeho tachantskeho chóra gregorianske pěsnje pod nawodom cyrkwinshudźbneho direktora Friedemanna Böhme. Wšitcy su wutrobnje přeprašene.

Wustajeńca wo Božim przyzlaku

Njewšědnu wustajeńcu ze 36 grafikami wo Božim przyzlaku, swjatym Filipje Neriju, móža sej zajimcy tuchwilu w Budyskej Biskopskej Marije-Montessorijowej šuli, Tzschirnerowa 12, wobhladać. Edita Kavaliauskiene, direktorka Wotewrjeneje šule za wuměłstwo, design a architekturu, je w Serbach šěroko znatemu fararjej dr. Hans-Friedrichej Fischerej namjetowała, zo měło so wurisanje Ex Libris wšěch litawskich wuměłstwowych šulow składnostnje lońšich 500. narodnin swjateho Filipa Nerija, załožićela oratorija, přewjesć. Farar Fischer, kotryž tutomu oratorijej přisłuša a kotryž hižo dlěje hač dwaj lětdžesatkaj w Litawskej skutkuje, je tomu rady přizwolił. Z wurisanjom bu swjaty, bohobojazny, energiski a mudry měšnik składnostnje svojich 500. narodnin w Litawskej česćowany. A najlěpše twórby su nětko tež w Budyšinje wustajene.

Z busom na zjězd katolikow

Štóž chce sej na 100. zjězd katolikow Němskeje do Lipska dojeć, ma k tomu z busom dvě móžnosći. Radworske Šmitec wozydłownistwo poskićuje jězbje sobotu, 28. meje, kaž tež njedźelu, 29. meje. Zajimcy měli so pola Šmitec w Radworju přizjewić, telefonowe čisło (03 59 35) 28 60.

Pěši do Częstochowy

Tež lětsa pozbudža farar Beno Jakubaš, so wot 5. do 15. awgusta w serbskej skupinje na putnikowanje z Warszawy do Częstochowy podać. Zajimcy njech so bórže přizjewja pola fararja Jakubaša w Radworju, telefonowe čisło (03 59 35) 2 07 13.

Za putnikowanje do Krupki so přizjewić

Młodostni wot 16 lět su přeprošeni, wot njedźele, 3. julija, do Krupki putnikować. Woni nawróća so pjatk, 8. julija. Přizjewić měli so zajimcy hač do pjatka, 3. junija, w Chróścicach na farje, telefonowe čisło (03 57 96) 80 400. Po tym so přizjewjenja hižo njepřijimuju. Putnicy zetkaja so njedźelu, 5. junija, po nyšporje w Chróścicach na farje, štož je za wšitkich nowačkow winowatosć. Nyšpor započnje so w 14 hodź. Putniska Boža mša w Krupce budže srjedu, 6. julija, w 10 hodź.